

Jam Weller pulchram jungit sibi fœdere costam,
Et sacras ades, Te duce Christe, petit.
Hanc ego fortunam Tibi, Vir Reverende, secundam
Gratulor ex animo, cunctaq; fausta precor.
Det Deus, ut, qua jam cœpit fors leta, perennis
Permaneât, stabili continuata gradu.
Crescat amor magis atq; magis vos inter, honore
Floreât incolumis divitijsq; domus.
Vive diu interea cum costâ, vive, nec unquam
Perturbent vestrum fata sinistra torum.

Constantinus Am Ende
Pirnensis.

Magna erat in thalamos culpa olim ivisse secundos,
Hinc Dido incensis insilit ipsa rogis.
Clarior at Te Lux circumnitet, inclyte Sponse,
Quod sit Sardiadæ juncta Cetura tenes.
Quare Dorotheam Christinam ducis amatam,
Quam Charitum quartam rite vocare licet.
Cuncta tibi similis, si spectes stemma, genusq;
Si spectes cultum, si Genium, Ingenium.
Quod semel emensus felici fidere marmor,
Rursus ini, & portum mercibus auctus adi.

Johannes Bolthenius
Willst-Holf.

EN datur à Domino tibi Costa secunda, secundo
Adjungam thalamo vota secunda tuo.
Vos circumcingat fortuna secunda, domusq;
Sentiât omnigenam vestra salutis opem.
Pax peramica, Dei benedictio larga, fidesq;
Intemerata, salus vos regat atq; tegat.
Punitâ recreet primâ vos vita secunda,
Morsq; secunda retrò cede, recede procul.

Martinus Schlegelius.
Sic